



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Was im namen des || Heiligen Euangeli vnser Herrenn ||
Jesu Christi/ ietzund zů Bon[n] jm Stifft Cöllen/|| gelehret
vnnd geprediget würdt.||**

Bucer, Martin

Bonnæ, [1543]

VD16 B 8955

Von dem freyen willen im glauben vnnd gůten wercken.

urn:nbn:de:hbz:466:1-36817

Kindschafft Gottes vertröstet vnd vergewisset in mit
steyffem glauben/ als iren lieben vatter in allen anligē
anrueffen/ in ob allen lieben/ vnd in dienen auch vmb
seines namens willen alles creutz vnd widerwertig-
keyt gedulden vnd ertragen mögen. Dabey auch des
vertröstet vnd versicheret/ so inen als lang sie hie le-
ben/ das widerwertig gesatz in iren gliderē dermassen
anhanget vnd im weg ligt/ also das sie dem gesatz des
Herren nimer genug thün/ sonder irerhalben alweg in
vngesorsame vñ arme verdampfte sünd er bleyben/ das
sie Christi vnsern Herrn dē gerechten bey dē Vatter zu
einē fursprechen habē/ der auch nit allein für sie bitter/
sonder die versünig seye für ire sünd/ vñ setze sein vol-
kōne gesorsame für sie/ vñ erstatte damit ire vngesors-
same/ das auch alle züchtigung des Herrn in kräckhe-
ten/ vñ allen anderen vnfall vñ leiden/ inē da zu durch
seine gnad gewislich/ so sie die in warē glaubē auffnes-
mē/ dienen werde/ das die sundliche lust vnd begerdē/
in inē jemer meer getödtet vnd außgefegēt/ vnd sie zu
dem Götlichen gefallen erneuere werden.

Johan. 6 Vnd wiewol der Herr in den seinen lebt/ vñ sie sein
Galat. 2 H. Geyst/ der in inen wohnet/ zu disen gutten allein
Roma. 8 treybet/ ja wircket in inen alles solches güttes wollen
Philip. 2 vnd thun/ doch so bekenne vnd bezeuge ich/ das der
 mensch nichts rechts glauben/ lieben oder guts thun/
 oder arges lassen kan/ das Gott gefellig seye/ dan mit
 freyen selb willen/ neygung vñ thun. Ich hab heut wi-
im 5. buch der euch (sagt Mose) bezeuget himel vnd erden/ vnd
Mose. hab euch fürgelegt das leben vnd den todt/ die bene-
 deyung vnd maledeyung/ so wehle das leben das du
 lebest

lebest etc. Vnd der Herz durch Jesaiam/ So jr wölles,
vnd hören werden/ werdt jr das güt im land essen/ wo
jr nit wöllet/ vnd werdt wider spenstig sein/ wird euch
das schwerdt verzeren.

In dē allen nun so vorgesetzet/ sibet ein jeder Christ
wol/ das ich keinē todten vñ wercklosen/ oder zeitliche
vnd vergenglichen glauben an Christum/ sonder einē
lebendigen/ wirkenden/ beständigen vnd verharrende
glaubenn lehre. Der auß solcher erleuchtung/ berichte
vñnd lehr des H. Geystes komet/ eingewürcktet wirdt/
vnd bestat/ auß deren der mensch dem H. Euangelio/
vnd allen Gottes Worten/ waren / onzweyfelten / wir-
ckenden glauben gibt/ Vñnd auß den selbigen/ Gott in
vnserem Herzen Christo so eygentlichen vñnd wirkli-
chen erkennet/ als seinen schöpfer/ erlöser/ vñ heylandt
in zeitlichen vnd ewigen/ Das er auch nottwendiglich
alles sein vertrauen vnd hoffnung vff in allein setzet/
Vnd das also/ das er in auch nottwendig ob allen fors-
chtet vnd liebet/ vñ sich in gänzliche gehorsame seiner
gebot begibet. Erzündet alda mitt auß dem selbigen
geyst des glaubens / in warer thetiger liebe gegen dem
nechsten/ die alles guts wirket/ vñ das gesetz erfüllet/ 1. Tim. 1
als das end alles gebotts vnd Göttlicher lehre.

SAs vierde so vermane ich auch vñ bezeuge mit
allem vleyß das die leut diese so grosse onauß-
sprechliche gnad/ verzeyhung der sundenn / die
Kindtschafft/ vnd das erbe Gottes inen in Christo vn-
serem Herze vß lauter barmherzigkeit zugestalt nicht
vergeblich annemenn/ sonder das sie die in inen selb er- 1. Cor. 6
b ij wecken/